



陳法蓉 (左) 和洪欣都曾經在感情路上。

## 曾受情傷 信教解愁

# 陳法蓉 放下倪震 開心助人

陳法蓉與洪欣及孫耀威等一班教徒藝人，將支持下月舉行的佈道會，有指當年陳法蓉被倪震情傷至深，但昨日她談及舊愛已能釋懷，並謂知道倪震與周慧敏夫婦都已信教，也替他們高興。



■已成為教徒的倪震和周慧敏，早前出席教友高皓正的婚禮。

資料圖片



■王祖藍 (左) 是記者會的司儀，和孫耀威一起介紹佈道會的特色。

**陳**法蓉、洪欣、孫耀威及韓瑪莉等昨日齊集油麻地出席「紅黑皇佈道會 2010 之衝出紅館邁向全城」記者會，由王祖藍任司儀，大會宣佈將於下月 5 日及 6 日於紅館舉行三場，由於門票已售罄，故正籌備在各教會進行即時直播。

### 「佢兩公婆受咗洗」

陳法蓉信教多年，她謂屆時會與好友蔡少芬一同上台分享見證，她說：「我哋會講真嘢，啲藝人成日俾人覺得生活好繽紛，好多姿多采，其實我哋都有擔憂嘅時候。」其前男友倪震也已信基督教，問到屆時可會有其他藝人出席，陳法蓉大方表示：「唔知

呢，我冇問邊個會嚟，不過我知道佢兩公婆受咗洗，都好戥佢哋開心。」

當年有指陳法蓉受倪震的情傷至深，看來她對此事早已釋懷。她又謂正在進修中，故屆時要向學校請假來參加，陳法蓉說：「我想做多啲慈善幫人，所以上緊啲幫助人舒緩情緒嘅課程，啲家好多身邊人成日話失眠，抒發唔到情緒，我想幫吓人。」是否不再拍戲？陳法蓉說：「唔係，我啱啱喺北京拍完廣告，啲家睇緊啲劇本。」

### 孫耀威借酒抒懷

孫耀威則表示會與洪天明拍短片，於佈道會時播放，他說：「我演

一個 60 年代差佬，天明做疊感仔，我覺得呢件事好有意義。」女友陳美詩可會參加？孫耀威謂：「唔知，可能會幫手。」是否與女友屬同一教會小組？孫耀威說：「都係，我同 MC Jiu 一齊搞咗 light club，希望帶畀人光明，我哋成日傾偈。」豈不互相知道很多隱私？孫耀威謂：「可以咁講，藝人之間做真心朋友唔易，大家都會保守秘密，唔會亂講，做藝人啲個個有好多黑暗面係大家唔知，我都試過唔開心要借酒澆愁，但醒咗都解決唔到問題。」他謂不會戒酒，因有時聊天前喝啤酒能幫助放鬆情緒，盡訴心中情。

採訪、攝影：胡比